



特別
 八五
 3488
 2



115
3488
2



佛果園悟禪師碧巖錄卷第三

垂示云建法幢立宗旨錦上鋪花脫籠頭卸角馱太平
時節或若辨得格外句舉一明三其或未然依舊伏聽
處分

一舉僧問智門蓮花未出水時如何鈎在不疑之地泥裏洗土塊那裏得這消息來

五六七疑殺天下人智門云蓮花一二三四

作活計又恁麼去也僧云出水後如何莫向鬼窟裏

門云荷葉幽州猶自可最苦是

江南兩頭三面笑殺天下人

智門若是應機接物猶較些子若是截斷衆流千里萬
里且道這蓮花出水與未出水是一是二若恁麼見得

寶珠文卷



許你有箇入處。雖然如是。若道是一顛。預佛性儻侗。真
如若道是二心境。未忘落在解路上。走有什麼歇期。且
道古人意作麼生。其實無許多事。所以投子道你但莫
着名言數句。若了諸事。自然不着。即無許多位次。不同
你攝一切法。一切法攝不得。本無得失夢幻。如許多名目。
不可強與他安立名字。誑誑你諸人得麼。你諸人問故。
所以有言。你若不問。教我向你道什麼。即得一切事。皆
是你將得來。都不干我事。古人道欲識佛性。義當觀時
節。因緣不見雲門。舉僧問靈雲云。佛未出世時如何。雲
豎起拂子。僧云。出世後如何。雲亦豎起拂子。雲門云。前
頭打着後頭打不着。又云。不說出與不出。何處有伊問。
世法門中卷前頭打實了可同意

時節也。古人一問一答應。時應節無許多事。你若尋言
逐句了無交涉。你若能言中透得言。意中透得意。機中
透得機。放令閑閑地方。見智門答話處。問佛未出世時
如何。牛頭未見四祖時如何。斑石內混沌未分時如何。
父母未生時如何。雲門道。從古至今。只是一段事。無是
無非。無得無失。無生與未生。古人到這裏。放一綫道。有
出有入。若是未了底人。扶籬摸壁。依草附木。或教他放
下。又打入莽莽蕩蕩荒然處去。若是得底人。二六時中。
不依倚一物。雖不依倚一物。若露一機。一境作麼生。摸
索他。這僧問道。蓮花未出水時如何。智門云。蓮花便只
攔問一答。不妨奇特。諸方皆謂之顛倒語。那裏如此。不

見岳頭道常貴未開口已前猶較此子古人露機處已
是漏逗了也如今學者不省古人意只管去理論出水
與未出水有什麼交涉不見僧問智門如何是般若體
門云蚌含明月僧云如何是般若用門云兔子懷胎者
他如此對答天下人討他語脉不得或有人問夾山道
蓮花未出水時如何只對他道露柱燈籠且道與蓮花
是同是別出水後如何對他道杖頭挑日月脚下太泥
深你且道是不是且莫錯認定盤星雪竇忒煞慈悲打
破人情解所以頌出

蓮花荷葉報君知

老婆心切見成公案文彩已彰出

水何如未出時

泥裏洗土塊分開也好不可籠侗去

也江北江南問王老

主人公在什麼處問王老師作

什麼你自踏破草鞋一狐疑了一狐疑一坑埋却自
是你疑不免疑情未息打云會麼

智門本是浙人得得入川參香林既徹却回住隋州智
門雪竇是他的子見得好窮玄極妙直道蓮花荷葉報
君知出水何如未出時這裏要人直下便會山僧道未
出水時如何露柱燈籠出水後如何杖頭挑日月脚下
太泥深你且莫錯認定盤星如今人咬人言句者有甚
麼限你且道出水時是什麼時節未出水時是什麼時
節若向這裏見得許你親見智門雪竇道你若不見江
北江南問王老雪竇意道你只管去江北江南問尊宿

出水與未出水江南添得兩句江北添得兩句一重添
一重展轉生疑且道何時得不疑去如野狐多疑冰凌
上行以聽水聲若不鳴方可過河參學人若一狐疑了
一狐疑幾時得平穩去

垂示云大方無外細若隣虛擒縱非他卷舒在我必欲
解粘去縛直須削迹吞聲人人坐斷要津箇箇壁立千
仞且道是什麼人境界試舉看

行舉雪峯示眾云南山有一條鼈鼻蛇見怪不怪其怪

自壞大小大怪事不妨令人疑着汝等諸人切須好

看因一場漏逗長慶云今日堂中大有喪身失命

普州人送賊以已妨人僧舉似玄沙同坑無異土奴

見婢殷勤同病相憐玄沙云須是稜兒始得雖然如

此我即不恁麼不免作野狐精見解是什麼消息毒

氣傷人僧云和尚作麼生也好撥着這老漢玄沙云

用南山作什麼釣魚船上謝三郎只這野狐精猶較

些子喪身失命也不知雲門以拄杖攔向雪峰面前

作怕勢怕他作什麼一子親得一等是弄精覓諸人

試辨看

你若平展一任平展你若打破一任打破雪峰與巖頭
欽山同行九三到投子九上洞山後參德山方打破漆
桶一日率巖頭訪欽山至鰲山店上阻雪巖頭每日只
是打瞞雪峰一向坐禪巖頭喝云啞眠去每日床上恰

似七村裏土地相似。佗時後日，魔寇人家男女去在峰
自點。曾云某甲這裏未穩，在不敢自瞞頭云：我將謂你
已後向孤峰頂上盤結草庵，播揚大教，猶作這箇語話。
峰云：某甲實未穩在頭云：你若實如此，據你見處一一
通來，是處我與你證明，不是處與你剗却。峰遂舉見鹽
官上堂，舉色空義，得箇入處。頭云：此去三十年，切忌舉
着峯，又舉見洞山過水頌，得箇入處。頭云：若與麼自救
不了，後到德山問從上宗乘中事，學人還有分也。無山
打一棒道：什麼我當時如桶底脫相似。頭遂喝云：你不
聞道從門入者，不是家珍。峯云：他後如何。即是頭云：他
日若欲播揚大教，一一從自己曾襟流出，將來與我蓋

天蓋地去。峰於言下大悟，便禮拜起來，連聲叫云：今日
始是鰲山成道。今日始是鰲山成道。後回閩中住象骨
山，自貽作頌云：人生倏忽，暫須臾。浮世那能得久居，出
嶺纔登三十二，入閩早是四旬餘。他非不用頻頻舉，已
過應須旋旋除。奉報滿朝朱紫貴，闍王不怕佩金魚。凡
上堂示眾云：一一蓋天蓋地，更不說玄說妙，亦不說心
說性。突然獨露如火聚，近之則燎却面門。似太阿劍
擬之則喪身失命，若也佇思停機，則沒干涉。只如百丈
居黃檗，甚處去來。檗云：大雄山下採菌去來。丈云：還見
大蟲麼。檗便作虎聲。丈便拈斧作斫勢。檗遂打百丈一
搥。丈吟吟而笑，便歸陞座。謂眾云：天雄山有一大蟲，汝

等諸人切須好看老僧今日親遭一口趙州凡見僧便問曾到此間麼云曾到或云不曾到州總云喫茶去院主云和尚尋常問僧曾到與不曾到總道喫茶去意旨如何州云院主主應諾州云喫茶去紫胡門下立一牌牌上書云紫胡有一狗上取人頭中取人腰下取人脚擬議則喪身失命或新到纔相看師便喝云看狗僧纔回首師便歸方丈正如雪峯道南山有一條鼈鼻蛇汝等諸人切須好看正當恁麼時你作麼生祇對不躡前蹤試請道看到這裏也須是會格外句始得一切公案語言舉得將來便知落處看他恁麼示眾且不與你說行說解還將情識測度得麼是他家兒孫自然道得恰

好所以古人道承言須會宗勿自立規矩言須有格外句須要透關若是語不離窠窟墮在毒海中也雪峯恁麼示眾可謂無味之談塞斷人口長慶玄沙皆是他家屋裏人方會他恁麼說話只如雪峯道南山有一條鼈鼻蛇諸人還知落處麼到這裏須是具通方眼始得不見真淨有頌云打鼓弄琵琶相逢兩會家雲門能唱和長慶解隨邪古曲無音韻南山鼈鼻蛇何人知此意端的是玄沙只如長慶恁麼祇對且道意作麼生到這裏如擊石火似閃電光方可搆得若有纖毫去不盡便搆他底不得可惜許人多向長慶言下生情解道堂中纔有聞處便是喪身失命有者道元無一星事平白地上

說這般話疑人人聞他道南山有一條鼈鼻蛇你便疑
著若恁麼會且得沒交涉只去他言語上作活計既不
恁麼會又作麼生會後來有僧舉似玄沙玄沙云須是
稜兄始得雖然如是我即不恁麼僧云和尚又作麼生
沙云用南山作什麼但看玄沙語中便有出身處便云
用南山作什麼若不是玄沙也大難酬對只如他恁麼
道南山有一條鼈鼻蛇且道在什麼處到這裏須是向
上人方會恁麼說話古人道釣魚船上謝三郎不愛南
山鼈鼻蛇却到雲門以拄杖擯向雪峰面前作怕勢雲
門有弄蛇手脚不犯鋒鏑明頭也打着暗頭也打着他
尋常為人如舉大阿劍相似有時飛向人眉毛眼睫上

有時飛向三千里外取人頭雲門擯拄杖作怕勢且不
是弄精龜他莫也是喪身失命麼作家宗師終不去一
言一句上作活計雪竇只為愛雲門契證得雪峯意所
以頌出

象骨巖高人不到

千箇萬箇摸索不着非公境界到

者須是弄蛇手

是精識精是賊識賊成群作隊作什

麼也須是同火始得

稜師備師不奈何一狀領過放

過一着喪身失命有多少罪不重科帶累平人韶陽

知猶較些子這老漢只具一隻眼老漢不免作伎倆

重撥草落草漢有什麼用處果然在什麼處便打南

北東西無處討有麼有麼闍黎眼驢忽然突出拄杖

頭看高着眼便打拋對雪峯大張口自作自受吞却

千箇萬箇濟什麼事天下人摸索不着大張口兮同

閃電兩重公案果然賴有末後句剔起眉毛還不見

蹉過了也五湖四海覓恁麼人也難得如今在什麼

處如今藏在乳峰前向什麼處去也大小雪竇也作

這去就山僧今日也遭一口來者一一看方便瞎莫

向脚跟下看看取上座脚跟下着一箭了也師高聲

喝云看脚下賊過後張弓第二頭第三頭重言不當

吃

象骨巖高人不到到者須是弄蛇手雪峰山下有象骨巖雪峯機鋒高峻窄有人到他處雪竇是他屋裏人毛

羽相似同聲相應同氣相求也須是通方作者共相證
明只這鼈鼻蛇也不妨難弄須是解弄始得若不解弄
反被蛇傷五祖先師道此鼈鼻蛇須是有不傷犯手脚
底機於他七寸上一捏捏住便與老僧把手共行長慶
玄沙有這般手脚雪竇道稜師備師不奈何人多道長
慶玄沙不奈何所以雪竇獨美雲門且得沒交涉殊不
知三人中機無得失只是有親疎且問諸人什麼處是
稜師備師不奈何處喪身失命有多少此頌長慶道今
日堂中大人喪身失命到這裏須是有弄蛇手子細
始得雪竇出他雲門所以一時撥却獨存雲門一箇道
韶陽知重撥草蓋為雲門知他雪峰道南山有一條鼈

鼻蛇落處所以重撥草雪竇頌到這裏更有妙處云南
北東西無處討你道在什麼處忽然突出拄杖頭元來
只在這裏你不可便向拄杖頭上作活計去也雲門以
拄杖攢向雪峰面前作怕勢雲門便以拄杖作鼉鼻蛇
用有時却云拄杖子化爲龍吞却乾坤了也山河大地
甚處得來只是一條拄杖子有時作龍有時作蛇爲什
麼如此到這裏方知古人道心隨萬境轉轉處實能幽
頌道拋對雪峯大張口大張口兮同閃電雪竇有餘才
拈出雲門毒蛇云只這大張口兮同於閃電相似你若
擬議則喪身失命剔起眉毛還不見向什麼處去也雪
竇頌了須去活處爲人將雪峰蛇自拈自弄不妨殺活

臨時要見麼云如今藏在乳峯前乳峯乃雪竇山名也
雪竇有頌云石牕四顧滄溟窄寥寥不許白雲白長慶
玄沙雲門雖弄得了不見却云如今藏在乳峯前來者
一一看方便雪竇猶涉廉纖在不言使用却高聲喝云
看脚下從上來有多少人拈弄且道還曾傷着人不曾
傷着人師便打

垂示云王將火試金將石試劍將毛試水將杖試至於

衲僧門下一言一句一機一境一出入一挨一撥要

見深淺要見向背且道將什麼試請舉看

舉保福長慶遊山次這兩箇落草漢福以手指云只

這裏便是妙峰頂平地上起骨堆切忌道着掘地深

理慶云是則是可惜許若不是鐵眼銅睛藥被惑了

同病相憐兩箇一坑埋却雪竇着語云今日共這漢

遊山圖箇什麼不妨戒人斤兩猶較些子傍人按劍

復云百千年後不道無只是少少賣弄也是雲居羅

漢後舉似鏡清有好有惡清云若不是孫公便見髑

髑遍野同道者方知大地茫茫愁殺人奴見婢慇懃

設使臨濟德山出來也須喫棒

保福長慶鏡清總承嗣雪峰他三人同得同證同見同聞同拈同用一出入迹相挨拶蓋為他是同條生底人舉着便知落處在雪峰會裏居常問答只是他三人古人行住坐卧以此道為念所以舉着便知落處

遊山次保福以手指云只這裏便是妙峰頂如今禪和子恁麼問着便只口似匾檐賴值問着長慶你道保福恁麼道圖箇什麼古人如此要驗他有眼無眼是他家裏人自然知他落處便對他道是即是可惜許且道長慶恁麼道意旨如何不可一向恁麼去也似則似罕有等閑無一星事賴是長慶識破他雪竇着語云今日共這漢遊山圖箇什麼且道落在什麼處復云百千年後不道無只是少雪竇解點習正似黃檗道不道無禪只是無師雪竇恁麼道也不妨險峻若不是同聲相應爭得如此孤危奇怪此謂之着語落在兩邊雖落在兩邊却不住兩邊後舉似鏡清清云若不是孫公便見髑髑

徧野孫公乃長慶俗姓也不見僧問趙州如何是妙峰
孤頂州云老僧不答你這話僧云爲什麼不答這話州
云我若答你恐落在平地上教中說妙峯孤頂德雲比
丘從來不下山善財去參七日不逢一日却在別峰相
見及乎見了却與他說一念三世一切諸佛智慧光明
普見法門德雲既不下山因什麼却在別峰相見若道
他下山教中道德雲比丘從來不曾下山常在妙峯孤
頂到這裏德雲與善財的的在那裏自後李長者打葛
藤打得好道妙峯孤頂是一味平等法門一一皆真一
一皆全向無得無失無是非處獨露所以善財不見
到稱性處如眼不自見耳不自聞指不自觸如刀不切

割火不自燒水不自洗到這裏教中大有老婆相爲
所以放一線道於第二義門立賓立主立機境立問答
所以道諸佛不出世亦無有涅槃方便度衆生故現如
斯事且道畢竟作麼生免得鏡清雪竇恁麼道去當時
不能拍拍相應所以盡大地人觸髅徧野鏡清恁麼證
將來那兩箇恁麼用將來雪竇後面頌出更顯煥頌云
妙峯孤頂草離離和身沒却脚下已深數丈也拈得
分明付與誰用作什麼大地没人知乾屎橛堪作何
用拈得鼻孔失却口不是孫公辨端的錯看箭着賊
了也不知觸髅着地幾人知更不再活如麻似粟關

黎拈得鼻孔失却口

妙峰孤頂草離離草裏輜有什麼了期拈得分明付與誰什麼處是分明處頌保福道只這裏便是妙峰頂不是孫公辨端的孫公見什麼道理便云是則是可惜許只如鬪髻着地幾人知汝等諸人還知麼瞎

垂示云高高峯頂立魔外莫能知深深海底行佛眼覷不見直饒眼似流星機如掣電未免靈龜曳尾到這裏合作麼生試舉看

吁舉劉鐵磨到瀉山不妨難湊泊這老婆不守本分山

云老特牛汝來也點探竿影草向什麼處見擊訛磨

云來日臺山大會齋和尚還去麼箭不虛發大唐打

鼓新羅舞放去太速收來太遲瀉山放身卧中也亦

向什麼處見瀉山誰知遠煙浪別有好思量磨便出
去過也見機而作

劉鐵磨尼也如擊石火似閃電光擬議則喪身失命禪

道若到緊要處那裏有許多事他作家相見如隔牆見

角便知是牛隔山見煙便知是火按着便動捺着便轉

瀉山道老僧百年後向山下檀越家作一頭水牯牛左

脇下書五字云瀉山僧某甲且正當恁麼時喚作瀉山

僧即是喚作水牯牛即是如今人問着管取分踈不下

劉鐵磨久參機鋒峭峻人號為劉鐵磨去瀉山十里卓

庵一日去訪瀉山山見來便云老特牛汝來也磨云來

日臺山大會齋和尚還去麼瀉山放身便卧磨便出去

你看他一如說話相似，且不是禪，又不是道，喚作無事會得麼？**馮山**去臺山，自隔數千里，**劉鐵磨**因什麼却令馮山去齋，且道意旨如何？這老婆會他馮山說話，絲來線去，一放一收，互相酬唱，如兩鏡相照，無影像可觀，機機相副，句句相投，如今人三搭不迴頭，這老婆一點也瞞他不得，這箇却不是世諦情見，如明鏡當臺，明珠在掌，胡來胡現，漢來漢現，是他知有向上事，所以如此。如今只管做無事會，**四祖**演和尚道，莫將有事為無事，往往事從無事生，你若參得透，去見他，恁麼如尋常人說話一般，多被言語隔碍，所以不會，唯是知音，方會他底。只如乾峯示衆云：舉一不得舉二，放過一着，落在第一。

雲門出衆云：昨日有一僧從天台來，却往南岳去，乾云：云典座今日不得普請，看他兩人放則雙放，收則雙收，馮仰下謂之境致，風塵草動，悉究端倪，亦謂之隔身句，意通而語隔，到這裏須是左撥右轉，方是作家。

○曾騎鐵馬入重城

慣戰作家塞外將軍七事隨身勅

下傳聞六國清

狗銜敕書，寰中天子爭柰海晏河清

猶握金鞭問歸客

是什麼消息，一條拄杖兩人扶相

招同往又同來

夜深誰共御街行，君向瀟湘我向秦

且道行作什麼

○雪竇頌諸方以為極則，一百頌中這一頌最具理路，就中極妙，貼體分明，頌出曾騎鐵馬入重城，頌劉鐵磨恁

麼來勅下傳聞六國清頌瀉山恁麼問猶握金鞭問歸
客頌磨云來日臺山大會齋和尚還去麼夜深誰共御
街行頌瀉山放身便卧磨便出去雪竇有這般才調急
切處向急切處頌緩緩處向緩緩處頌風穴亦曾拈同
雪竇意此頌諸方皆美之高高峯頂立魔外莫能知深
深海底行佛眼覩不見看他一箇放身卧一箇便出去
若更周遮步多一時求路不見雪竇頌意最好是曾騎鐵馬
入重城若不是同得同證焉能恁麼且道得箇什麼意
不見僧問風穴瀉山道老特牛汝來也意旨如何穴云
白雲深處日三之金龍躍僧云只如劉鐵磨道來日臺山大會
齋和尚還去麼意旨如何穴云碧波心裏玉兔驚僧云

瀉山便作卧勢意旨如何穴云老倒踈慵無事日閑只以
高卧對青山此意亦與雪竇同也

垂示云機不離位墮在毒海語不驚群陷於流俗忽若
擊石火裏別緇素閃電光中辨殺活可以坐斷十方壁
立千仞還知有恁麼時節麼試舉看

時舉蓮花峯庵主拈拄杖示眾云看頂門上具一隻眼

也是時人窠窟古人到這裏爲什麼不肯住不可向

虛空裏釘橛權立化城衆無語千箇萬箇如麻似粟

却較些子可惜許一棚俊鷓自代云爲他途路不得

力若向途中辨猶爭半月程設使得力堪作什麼豈

可全無一箇復云畢竟如何千人萬人只向箇裏坐

却千人萬人中一箇箇箇會又自代云柳標橫擔不
顧人直入千峰萬峰去也好與三十棒只爲他擔板
腦後見腮莫與往來

諸人還裁辨得蓮花峯庵主麼脚跟也未點地在國初
時在廬山蓮花峰卓庵古人既得道之後茅茨石室中
折脚鐺兒內煮野菜根喫過日且不求名利放曠隨緣
垂一轉語且要報佛祖恩傳佛心印纔見僧來便拈拄
杖云古人到這裏爲什麼不肯住前後二十餘年終無
一人答得只這一問也有權有實有照有用若也知他
圈纒不消一捏你且道因什麼二十年如此問既是宗
師所爲何故只守一槩若向箇裏見得自然不向情處

上走凡二十年中有多少人與他平展下語呈見解以
盡伎倆設有箇道得也不到他極則處況此事雖不在
言句中非言句即不能辨不見道道本無言因言顯道
所以驗人端的處下口便知音古人垂一言半句亦無
他只要見你知有不知有他見人不會所以自代云爲
他途路不得力看他道得自然契理契機幾曾失却宗
旨古人云承言須會宗勿自立規矩如今只管撞將去
便了得則得爭奈顛預儻侗若到作家漢將三要語印
空印泥印水驗他便見方木逗圓孔無下落處到這裏
討一箇同得同證臨時向什麼處求若是知有底人開
懷通箇消息有何不可若不遇人且卷而懷之且問你

諸人拄杖子。是衲僧尋常用底。因什麼却道途路不得力。古人到此不肯住。其實金屑雖貴。落眼成翳。金屑五石室善道和尚當時遭沙汰。常以拄杖示衆云。過去諸佛也。恁麼。未來諸佛也。恁麼。現前諸佛也。恁麼。雪峯一日。僧堂前拈拄杖示衆云。這箇只為中下根人。時有僧出問云。忽遇上上人來時如何。峯拈拄杖便去。雲門云。我即不似雪峯打破狼籍。僧問未審和尚如何。雲門便打。大凡參問也。無許多事。為你外見有山河大地。內見有見聞覺知。上見有諸佛可求。下見有衆生可度。直須一時吐却。然後十二時中行住坐卧。打成一片。雖在一毛頭上。寬若大千沙界。雖居鑊湯爐炭中。如在安樂國土。雖在

七珍八寶中。如在芣苢蓬蒿下。這般事。若是通方作。到古人實處。自然不費力。他見無人搆得。他底復自徵云。畢竟如何。又柰何不得。自云。柳標橫擔不顧人。直入千峯萬峯去。這箇意。又作麼生。且道指什麼處為地頭。不妨句中有眼。言外有意。自起自倒。自放自收。豈不見嚴陽尊者。路逢一僧。拈起拄杖云。是什麼。僧云。不識。嚴云。一條拄杖。也不識。嚴復以拄杖地上劄一下。云。還識麼。僧云。不識。嚴云。土窰子。也不識。嚴復以拄杖擔云。會麼。僧云。不會。嚴云。柳標橫擔不顧人。直入千峯萬峯去。古人到這裏。為什麼不肯住。雪竇有頌云。誰當機。舉不賺。亦還希。摧殘峭峻。銷灤六微。重闕曾巨闢。作者未同。

歸玉兔乍圓乍缺金烏似飛不飛盧老不知何處去白
雲流水共依依因什麼山僧道腦後見腮莫與往來纒
作計較便是黑山鬼窟裏作活計若見得徹信得及千
人萬人自然羅籠不住奈何不得動着拶着自然有殺
有活雪竇會他意道直入千峰萬峯去方始成頌要知
落處看取雪竇頌云

○眼裏塵沙耳裏土

懺懺三百檐 鶻鶻突突有什麼限

更有恁麼漢

千峯萬峰不肯住

你向什麼處去且道

是什麼消息

落花流水太茫茫

好箇消息閃電之機

徒勞佇思左顧千生右顧萬劫

剔起眉毛何處去

脚

跟下更贈一對眼元來只在這裏

還截得庵主脚跟

卷三 僧家見得何上毛兮又知

麼雖然如是也須是到這田地始得打云爲什麼
在這裏

○雪竇頌得甚好有轉身處不守一隅便道眼裏塵沙耳
裏土此一句頌蓮花峰庵主衲僧家到這裏上無攀仰
下絕已躬於一切時中如癡似兀不見南泉道學道之
人如癡鈍者也難得禪月詩云當憶南泉好言語如斯
癡鈍者還希法燈云誰人知此意令我憶南泉南泉又
道七百高僧盡是會佛法底人唯有盧行者不會佛法
只會道所以得他衣鉢且道佛法與道相去多少雪竇
拈云眼裏着少不得耳裏着水不得或若有箇漢信得
及把得住不受人瞞祖佛言教是什麼熱碗鳴聲便請

高掛鉢囊，拗折拄杖，管取一負無事道人。又云：眼裏着得須彌山，耳裏着得大海水，有一般漢受人商量，粗佛言教如龍得水，似虎靠山，却須挑起鉢囊，橫擔拄杖，亦是一負無事道人。復云：恁麼也得，不恁麼也得，然後沒交涉。三負無事道人中，要選一人為師，正是這般生鐵鑄就底漢。何故？或遇惡境界，或遇奇特境界，到他面前，悉皆如夢相似，不知有六根，亦不知有且暮，直饒到這般田地，切忌守寒灰，死火打入黑漫漫處去，也須是有轉身一路，始得不見古人道：莫守寒巖異草青，坐却白雲宗不妙。所以蓮花峰庵主道為他途路不得力，直須是千峰萬峯去，始得。且道喚什麼作千峯萬峯？雪竇只

愛他道：柳標橫擔不顧人，直入千峯萬峯去。所以頌曰：且道向什麼處去？還有知得去處者麼？落花流水太茫茫，落花紛紛流水茫茫，閃電之機，眼前是什麼？剔起眉毛，何處去？雪竇為什麼，也不知他去處。只如山僧道：適來舉拂子，且道即今在什麼處？作諸人若見得與蓮花峰庵主同參，其或未然。三條椽下七尺單前，試去參詳看。

六

舉僧問百丈：如何是奇特事？

言中有響，句裏呈機，驚

殺人，有眼不曾見。

丈云：獨坐大雄峰。

凜凜威風，四百

州坐者立者，二俱敗缺。

僧禮拜。

伶俐衲僧，也有恁麼

人要見恁麼事。

丈便打。

作家宗師，何故來言不豐，令人

不虛行

臨機具眼不顧危亡所以道不入虎穴爭得虎子百丈尋常如虎插翅相似這僧也不避死生敢捋虎鬚便問如何是奇特事這僧也具眼百丈便與他擔荷云獨坐大雄峯其僧便禮拜衲僧家須是別未問已前意始得這僧禮拜與尋常不同也須是具眼始得莫教平生心膽向人傾相識還如不相識只這僧問如何是奇特事百丈云獨坐大雄峯僧禮拜丈便打看他放去則一時俱是收來則掃蹤滅跡且道他便禮拜意肯如何若道是好因甚百丈便打他作什麼若道是不好他禮拜有什麼不得處到這裏須是識休咎別緇素立向千峰頂

上始得這僧便禮拜似捋虎鬚相似只爭轉身處賴值百丈頂門有眼肘後有符照破四天下深辨來風所以便打若是別人無奈他何這僧以機投機以意遣意他所以禮拜如南泉云文殊普賢昨夜三更起佛見法見各與二十棒貶向二鐵圍山去也時趙州出眾云和尚棒教誰喫泉云王老師有什麼過州禮肆宗師家等閑不見他受用處纔到當機拈弄處自然活潑潑地五祖先師常說如馬前相撲相似你但常教見聞聲色一時坐斷把得定作得主始見他百丈且道放過時作麼生看取雪竇頌出云

祖域交馳天馬駒五百年一間生千人萬人中有一

箇半箇子承父業化所舒卷不同途已在言前渠儂

得自由還他作家手段電光石火存機變劈面來也

左轉右轉還見百丈為人處也無堪笑人來捋虎鬚

好與三十棒重賞之下必有勇夫不免喪身失命放

過關黎一着

雪竇見得透方乃頌出天馬駒日行千里橫行豎走奔
驟如飛方名天馬駒雪竇頌百丈於祖域之中東走向
西西走向東一來一往七蹤八橫殊無少礙如天馬駒
相似善能交馳方見自由處這箇自是得他馬祖大機
大用不見僧問馬祖如何是佛法大意祖便打云我若
不打你天下人笑我去在又問如何是祖師西來意祖

云近前來向你道僧近前祖劈耳便掌云六耳不同謀

看他恁麼得大自在於建化門中或卷或舒有時舒不

在有字少明卷處有時卷不在舒處有時卷舒俱不在所以道同

塗不同轍此頌百丈有這般手脚雪竇道電光石火存

機變頌這僧如擊石火似閃電光只在此子機變處巖

頭道却物為上逐物為下若論戰也箇箇立在轉處雪

竇道機輪曾未轉轉必兩頭走若轉不得有什麼用處

大丈夫漢也須是識此子機變始得如今人只管供他

款被他穿却鼻孔有什麼了期這僧於電光石火中能

存機變便禮拜雪竇道堪笑人來捋虎鬚百丈似一箇

大蟲相似堪笑這僧去捋虎鬚

垂示云問一答一舉一明三見兔放鷹因風吹火不惜
眉毛則且置只如入虎穴時如何試舉看

舉僧問雲門樹凋葉落時如何是什麼時節家破人

亡人亡家破雲門云體露金風撐天拄地斬釘截鐵

淨裸裸赤灑灑平步青霄

若向箇裏薦得始見雲門為人處其或未然依舊只是
指鹿為馬眼瞎耳聾誰人到這境界且道雲門為復是
答他話為復是與他酬唱若道答他話錯認定盤星若
道與他唱和且得沒交涉既不恁麼畢竟作麼生你若
見得透衲僧鼻孔不消一捏其或未然依舊打入鬼窟
裏去大凡扶豎宗乘也須是全身擔荷不惜眉毛向虎

口橫身任他橫拖倒拽若不如此爭能為得人這僧致
箇問端也不妨驗驗若以尋常事看他只似箇管閑事
底僧若據衲僧門下去命脉裏覷時不妨有妙處且道
樹凋葉落是什麼人境界十八問中此謂之辨主問亦
謂之借事問雲門不移易一絲毫只向他道體露金風
答得甚妙亦不敢辜負他問頭蓋為他問處有眼答處
亦端的古人道欲得親切莫將問來問若是知音底舉
着便知落處你若向雲門語脉裏討便錯了也只是雲
門句中多愛惹人情解若作情解會未免喪我兒孫雲
門愛恁麼騎賊馬趁賊不見僧問如何是非思量處門
云識情難測這僧問樹凋葉落時如何門云體露金風

句中不妨把斷。渠津不通。凡聖須會。他舉一明三。舉三明一。你若去他三句中求。則腦後拔箭。他一句中須具三句。函蓋乾坤句。隨波逐浪句。截斷眾流句。自然恰好。雲門三句中。且道用那句接人。試辨看。頌曰。

問既有宗。深辨來風。箭不虛發。答亦攸全。豈有兩般。

如鐘待扣。功不浪施。三句可辨。上中下。如今是第幾。

句。須是向三句外。薦取始得。一鏃遼空。中過也。舉着。

磕着箭過新羅。大野兮涼颯颯。普天匝地。還覺骨。

毛卓。豎麼放行去也。長天兮踈雨濛濛。風浩浩。水漫。

漫。頭上漫漫。脚下漫漫。君不見少林父坐。未歸客。更。

有不啣啣漢帶。累殺人。黃河頭上。渴將過來。靜依照。

此四字當入河漢二字下。春風吹起。言句云云。此也。

耳一叢叢

開眼也。着合眼也。着鬼窟裏作活計。眼瞎。

耳聾。誰到這境界。不免打折你版齒。

古人道承言須會宗。勿自立規矩。古人言不虛設。所以

道大凡問箇事也。須識此子好惡。若不識尊卑。去就不

識。淨觸信口亂道。有什麼利濟。凡出言吐氣。須是如甜

如鍊。有鈎有鑣。須是相續不斷。始得。這僧問處。有宗旨。

雲門答處。亦然。雲門尋常。以三句接人。此是極則也。雪

竇頌。這公案與頌。天龍公案相類。三句可辨。一句中具

三句。若辨得。則透出三句外。一鏃遼空。鏃乃箭鏃也。射

得太遠。須是急着眼看。始得。若也見得分明。可以一句

之下。開展。六千沙界。到此頌了。雪竇有餘才。所以展開。

雲居道膺
禪師上堂語

頌出道大野兮涼颯颯長天兮踈雨濛濛且道是心
是境是玄是妙古人道法法不隱藏古今常顯露他問
樹凋葉落時如何雲門道體露金風雪竇意只作一境
如今眼前風拂拂地不是東南風便是西北風直須便
恁麼會始得你若更作禪道會便沒交涉君不見少林
久坐未歸客達磨未歸西天時九年面壁靜悄悄地且
道是樹凋葉落且道是體露金風若向這裏盡古今凡
聖乾坤大地打成一片方見雲門雪竇的的為人處靜
依熊耳一叢叢熊耳即西京嵩山少林也前山也千叢
萬叢後山也千叢萬叢諸人向什麼處見還見雪竇為
人處麼也是靈龜曳尾

南泉問答昂馬祖法嗣洪武東惟改禪師也謂曰說大至者昂自又涅槃和昂昂法嗣也名法云言本傳於今處
一人係馬祖法嗣中今因悟

行舉南泉參百丈涅槃和尚丈問從上諸聖還有不為

人說底法麼

和尚合知壁立萬仞還覺齒落麼泉云

有落草了也孟八郎作什麼便有恁麼事丈云作麼

生是不為人說底法看他作麼生看他手忙脚亂將

錯就錯但試問看泉云不是心不是佛不是物果然

納敗闕果然漏道不少丈云說了也莫與他說破從

他錯一平生不合與他恁麼道泉云某甲只恁麼和

尚作麼生賴有轉身處與長即長與短即短理長則

就丈云我又不是大善知識爭知有說不說看他手

忙脚亂藏身露影去死十分爛泥裏有刺恁麼那賺

我泉云某甲不會乍可恁麼賴值不會會即打你頭

破賴值這漢只焦麼說不說上丈云我太煞為你說了也
加霜龍頭蛇尾作什麼

到這裏也不消即心不即心不消非心不非心直下從
頂至足眉毛一莖也無猶較些子即心非心壽禪師謂
之表詮即心壽禪師謂遮詮此是涅槃和尚惟政禪師也昔時在百丈
作西堂開田說大義者是時南泉已見馬祖了只是往
諸方決擇百丈致此一問也大難酬云從上諸聖還有
不為人說底法麼若是山僧掩耳而出看這老漢一場
慄懍若是作家見他恁麼問便識破得他南泉只據他
所見便道有也是孟八郎百丈便將錯就錯隨後道作
麼生是不為人說底法泉云不是心不是佛不是物這

漢貪觀天上月失却掌中珠丈云說了也可惜許與他
注破當時但劈脊便棒教他知痛痒雖然如是你且道
什麼處是說處據南泉見處不是心不是佛不是物不
曾說着且問你諸人因什麼却道說了也他語下又無
蹤迹若道他不說百丈為什麼却恁麼道南泉是變通
底人便隨後一撥云某甲只恁麼和尚又作麼生若是
別人未免分踈不下爭柰百丈是作家答處不妨奇特
便道我又不是大善知識爭知有說不說南泉便道箇
不會是渠果會來道不會莫是真箇不會百丈云我太
煞為你說了也且道什麼處是說處若是弄泥團漢時
兩箇涸涸漚漚若是二俱作家時如明鏡當臺其實前

頭二俱作家後頭二俱放過若是具眼漢分明驗取日
道作麼生驗他看雪竇頌出云

祖佛從來不為人各自守疆界有條攀條記得箇元

字脚在心入地獄如箭衲僧今古競頭走踏破草鞋

物折拄杖高掛鉢囊明鏡當臺列像殊隨也破也打

破鏡來與你相見一一面南看北斗還見老僧騎佛

殿出山門麼新羅國裏曾上堂大唐國裏未打鼓斗

柄垂落處也不知在什麼處無處討瞎可惜許椀子

落地樛子成七八片拈得鼻孔珠却口那裏得這消

息來果然恁麼便打

釋迦老子出世四十九年未曾說一字始從光耀土終

失

至跋提河於是二中間未嘗說一字恁麼道且道是說

是不說如今滿龍宮盈海藏且作麼生是不說豈不見

修山主道諸佛不出世四十九年說達磨不西來少林

有妙訣又道諸佛不曾出世亦無一法與人但能觀衆

生心隨機應病與藥施方遂有三乘十二分教其實祖

佛自古至今不曾為人說只這不為人正好參詳山僧

常說若是添一句甜甜蜜蜜地好好觀來正是毒藥若是

劈脊便棒驀口便擗推將出去方始親切為入衲僧今

古競頭走到處是也問不是也問問佛問祖問向上問

向下雖然如此若未到這田地也少不得如明鏡當臺

列像殊只消一句可辨明白古人道萬象及森羅一法

當岳破

之所印。又道森羅及萬象，總在箇中圓。神秀大師云：身是菩提樹，心如明鏡臺。時時勤拂拭，勿使惹塵埃。大滿云：他只在門外。雪竇恁麼道：且道在門內，在門外，你等諸人各有一面古鏡。森羅萬象，長短方圓，一一於中顯現。你若去長短處會，卒摸索不着，所以雪竇道：明鏡當臺，列像殊却。須是一面南看北斗，既是面南為什麼，却看北斗若恁麼會得，方見百丈南泉相見處。此兩句頌百丈挨拶處。丈云：我又不是大善知識，爭知有說不說。雪竇到此頌得，落在死水裏，恐人錯會，却自提起云：即今目前斗柄垂，你更去什麼處討，你纔拈得鼻孔，失却口，拈得口，失却鼻孔了也。

垂示云：魚行水濁，鳥飛毛落，明辨主賓，洞分緇素，直似當臺明鏡，掌內明珠。漢現胡來，聲彰色顯，且道為什麼如此試舉看。

舉僧問大隋：劫火洞然，大千俱壞，未審這箇壞不壞。

這箇是什麼物，這一句天下衲僧摸索不着，須撥待

拜隋云：壞無孔鐵鎚，當面擲，沒却鼻孔，未開口已前。

勘破了也。僧云：恁麼則隨他去也。沒量大人，語脈裏。

轉却果然錯認。隋云：隨他去。前箭猶輕，後箭深，只這。

箇多少人，摸索不着。水長船高，泥多佛大。若道隨他去，在什麼處。若道不隨他去，又作麼生。便打。

大隋真如和尚承嗣大安禪師，乃東川鹽亭縣人。參見

上方生新之等集他第一卷之三十一

實中之王

音像

評語

六十餘負善知識昔時在瀉山會裏作火頭一日瀉山問云子在此數年亦不解致箇問來看如何隨云令某甲問箇什麼即得瀉山云子便不會問如何是佛隨以手掩瀉山口山云汝已後覓箇掃地人也無後歸川先於棚口山路次前茶接待往來凡三年後方出世開山住大隋有僧問劫火洞然大千俱壞未審這箇壞不壞這僧只據教意來問教中云成住壞空三災劫起壞至三禪天這僧元來不知話頭落處且道這箇是什麼人多作情解道這箇是衆生本性隨云壞僧云恁麼則隨他去也隨云隨他去只這箇多少人情解摸索不着若道隨他去在什麼處若道不隨他去又作麼生不見道

欲得親切莫將問來問後有僧問修山主劫火洞然大千俱壞未審這箇壞不壞山主云不壞僧云爲什麼不壞主云爲同於大千壞也碍塞殺人不壞也碍塞殺人其僧既不會大隋說話是他也不妨以此事爲念却持此問直往舒州投子山投子問近離甚處僧云西蜀大隋投云大隋有何言句僧遂舉前話投子焚香禮拜云西蜀有古佛出世汝且速回其僧復回至大隋隋已遷化這僧一場懺懺後有唐僧景遵題大隋云了然無別法誰道印南能一句隨他語千山走衲僧蠻寒鳴砌葉鬼夜禮龕燈吟罷孤窗外徘徊恨不勝所以雪竇後面引此兩句頌出如今也不得作壞會也不得作不壞會

畢竟作麼生會急着眼看

劫火光中立問端

劫光中立問端道什麼已是錯了也

衲僧猶滯兩

重關

坐斷此人如何救得

百匝千重也有脚頭脚底

可憐一句隨他語

天下衲僧作這般計較千句萬句

也不消得有什麼難截斷他脚跟處

還業識茫茫蹉過也不知自是他踏破草鞋

雪竇當機頌出句裏有出身處劫火光中立問端衲僧

猶滯兩重關這僧問處先懷壞與不壞是兩重關若是

得底人道壞也有出身處道不壞也有出身處可憐一

句隨他語萬里區區獨往還頌這僧持此問投子又復

回大隋可謂萬里區區也

舉僧問趙州承聞和尚親見南泉是否

千聞不如一

見按眉分八字州云鎮州出大蘿蔔頭

釘截鐵箭過新羅腦後見眼莫與往來

這僧也是箇久參底問中不妨有眼爭奈趙州是作家

便答他道鎮州出大蘿蔔頭可謂無味之談塞斷人口

這老漢大似箇白拈賊相似你纔開口便換却你眼睛

若是特達英靈底漢直下向擊石火裏閃電光中纔聞

舉着剔起便行苟或佇思停機不免喪身失命

散聖判謂之東問西答喚作不答話不上他圈續若恁

麼會爭得遠錄公云此是傍瞥語收在九帶中若恁麼

會夢也未夢見在更帶累趙州去有者道鎮州從來出

大蘿蔔頭天下人皆知趙州從來參見南泉天下人皆知這僧却更問道承聞和尚親見南泉是否所以州向他道鎮州出大蘿蔔頭且得沒交涉都不恁麼會畢竟作麼生會他家自有通霄路不見僧問九峰承聞和尚親見延壽來是否峰云山前麥熟也未正對得趙州答此僧話渾似兩箇無孔鐵鎚趙州老漢是箇無事底人你輕輕問着便換却你眼睛若是知有底人細嚼來嚙若是不知有底人一似渾崙吞箇棗

○鎮州出大蘿蔔

天下人知切忌道着一回舉着一回

新天下衲僧取則

爭奈不恁麼誰用這閑言長語只

知自古自今

半開半合如麻似粟自古也不恁麼如

今也不恁麼

爭辨鶴白鳥黑

全機穎脫長者自長短

者自短識得者貴也不消得辨

賊賊啾更不是別自

是擔枷過狀

衲僧鼻孔曾拈得

穿過了也裂轉

○鎮州出大蘿蔔你若取他為極則早是錯了也古人把手上高山未免傍觀者哂人皆知道這箇是極則語却畢竟不知極則處所以雪竇道天下衲僧取則只知自古自今爭辨鶴白鳥黑雖知今人也恁麼答古人也恁麼答何曾分得緇素來雪竇道也須是去他石火電光中辨其鶴白鳥黑始得公案到此領了也雪竇自出意向活潑潑處更向你道賊賊衲僧鼻孔曾拈得三世諸佛也是賊歷代祖師也是賊善能作賊換人眼睛不犯

手脚獨許趙州且道什麼處是趙州善做賊處鎮州出大蘿蔔頭

佛果園悟禪師碧巖錄卷第三終

螺中張氏書

佛果園悟禪師碧巖錄卷第四

垂示云動則影現覺則冰生其或不動不覺不免入野

狐窟裏透得徹信得及無絲毫障翳如龍得水似虎靠

山放行也瓦礫生光把定也真金失色古人公案未免

周遮且道評論什麼邊事試舉看

舉麻谷持錫到章敬遶禪床三匝振錫一下卓然而

立曹溪樣子一摸脫出直得驚天動地敬云是是泥

裏洗土塊賺殺一船人是什麼語話繫驢繫子雪竇

着語云錯放過則不可猶較一着在麻谷又到南泉

遶禪床三匝振錫一下卓然而立依前泥裏洗土塊

再運前來鰓跳不出斗泉云不是不是何不承當殺

麻谷山堂徹禪師
嗣馬祖
○寺敬傳燈七立
敬寺懷惲禪師
暉注曰作惲誤
也口取燈麻谷
持一上り全見
付灯等三信持

人不眨眼。是什麼語話。雪竇着語云錯。放過不可麻

谷當時云章敬道是和尚為什麼道不是。主人公在

什麼處。這漢元來取人舌頭漏逗了也。泉云章敬即

是是汝不是。也好殺人須見血。為人須為徹。瞞却多

少人來。此是風力所轉終成敗壞。果然被他籠罩爭

於自己何

金之傳外始終兩境

古人行脚徧歷叢林。直以此事為念。要辨他曲錄木床

上。老和尚具眼不具眼。古人一言相契即住。一言不契

即去。看他麻谷到章敬。遶禪床三匝。振錫一下。卓然而

立。章敬云是是殺人刀。活人劍。須是本分作家。雪竇云

錯。落在兩邊。你若去兩邊會不見雪竇意。佗卓然而立。

且道為什麼事。雪竇為什麼却道錯。什麼處是他錯處。

章敬道是什麼處。是是處。雪竇如坐讀判語。麻谷檐箇

是字。便去見南泉。依然遶禪床三匝。振錫一下。卓然而

立。泉云不是不是。殺人刀。活人劍。須是本分宗師。雪竇

云錯。章敬道是是南泉云不是不是。為復是同是別。前

頭道是為什麼也。錯後頭道不是。為什麼也。錯若向章

敬句下薦得。自救也不了。若向南泉句下薦得。可與祖

佛為師。雖然恁麼。衲僧家須是自肯始得。莫一向取人

口辯。他問既一般。為什麼一箇道是一箇道。不是若是

通方作者。得大解脫。底人必須別有生涯。若是機境不

忘底。決定滯在這兩頭。若要明辨古今。坐斷天下人舌

頭須是明取這兩錯始得。及至後頭雪竇頌也只頌這
兩錯。雪竇要提活鱖鱖處。所以如此。若是皮下有血底
漢。自然不向言句中作解會。不向繫驢橛上作道理。有
者道雪竇代麻谷。下這兩錯。有什麼交涉。殊不知古人
着語鎖斷。要關這邊也是那邊也是。畢竟不在這兩頭。
慶蕭主道持錫遶禪床。如是。不是俱錯。其實亦不在此。
你不見。永嘉到曹溪。見六祖。遶禪床三匝。振錫一下。卓
然而立。祖云。夫沙門者。具三千威儀。八萬細行。大德從
何方而來。生大我慢。為什麼六祖却道。他生大我慢。此
箇也不說是。也不說不是。是與不是。都是繫驢橛。唯有
雪竇下兩錯。猶較此子。麻谷云。章敬道是和尚。為什麼

道不是。這老漢不惜眉毛。漏逗不少。南泉道。章敬則是
是汝不是。南泉可謂見兔放鷹。慶藏主云。南泉忒煞郎
當。不是便休。更與佗出過道。此是風力所轉。終成敗壞。
圓覺經云。我今此身四大和合。所謂髮毛爪齒皮肉筋
骨髓腦垢色。皆歸於地。唾涕膿血。皆歸於水。暖氣歸火。
動轉歸風。四大各離。今者妄身。當在何處。佗麻谷持錫
遶禪床。既是風力所轉。終成敗壞。且道畢竟發明心宗。
底事在什麼處。到這裏也須是生鐵鑄就底箇漢。始得。
豈不見張拙秀才參西堂藏禪師。問云。山河大地是有
是無。三世諸佛是有是無。藏云。有。張拙秀才云。錯。藏云。
先輩曾參見什麼人來。拙云。參見徑山和尚來。某甲凡

九時

有所問話徑山皆言無藏云先輩有什眷屬拙云有一
山妻兩箇癡頑又却問徑山有甚眷屬拙云徑山古佛
和尚莫謗渠好藏云待先輩得似徑山時一切言無張
拙俛首而已大凡作家宗師要與人解粘去縛抽釘拔
楔不可只守一邊左撥右轉右撥左轉但看仰山到中
邑處謝戒邑見來於禪床上拍手云和尚仰山即東邊
立又西邊立又於中心立然後謝戒了却退後立邑云
什麼處得此三昧來仰山云於曹溪印子上脫將來邑
云汝道曹溪用此三昧接什麼人仰云接一宿覺仰山
又復問中邑云和尚什麼處得此三昧來邑云我於馬
祖處得此三昧來似恁麼說話豈不是舉一明三見本

寫本遂宗上作

逐末底漢龍牙示眾道夫參學人須透過祖佛始得新
豐和尚道見祖佛言教如生冤家始有參學分若透不
得即被祖佛瞞去時有僧問祖佛還有瞞人之心也無
牙云汝道江湖還有碍人之心也無又云江湖雖無碍
人之心自是時人過不得所以江湖却成碍人去不得
首江湖不碍人祖佛雖無瞞人之心自是時人透不得
祖佛却成瞞人去也不得道祖佛不瞞人若透得祖佛
過此人即過却祖佛也須是體得祖佛意方與向上古
人同如未透得儻學佛學祖則萬劫無有得期又問如
何得不被祖佛瞞去牙云直須自悟去到這裏須是如
此始得何故為人須為徹殺人須見血南泉雪竇是這

卷之三

四

何山徑山

般人方敢拈弄頌云

此錯彼錯惜取眉毛據令而行天上天下唯我獨尊

切忌拈却兩箇無孔鐵鎚直饒千手大悲也提不起

或若拈去關黎喫三十棒四海浪平天下人不敢動

着東西南北一等家風近日多雨水百川潮落淨裸

身赤灑灑且得自家安穩直得海晏河清古策風高

十二門何以這箇杖頭無眼切忌向拄杖頭上作活

計門門有路空蕭索一物也無賺你平生觀着即聽

非蕭索果然賴有轉身處已瞎了也便打作者好求

無病藥一死更不再活十二時中為什麼瞌睡撈天

摸地作什麼

這一箇頌似德山見馮山公案相似先將公案着兩轉

語穿作一串然後頌出此錯彼錯切忌拈却雪竇意云

此處一錯彼處一錯切忌拈却即垂須是如此着

這兩錯直得四海浪平百川潮落可煞清風明月你若

向這兩錯下會得更沒一星事山是山水是水長者自

長亞者自短五日一風十日一雨所以道四海浪平百

川潮落後面頌麻谷持錫云古策風高十二門古人以

鞭為策衲僧家以拄杖為策祖庭事苑中古西王母瑤

池上有十二朱門古策即是拄杖頭上清風高於十二

朱門天子及帝釋所居之處亦各有十二朱門若是會

得這兩錯拄杖頭上生光古策也用不着古人道識得

拄杖子一生參學事畢又道不是標形虛事持杖如來寶杖親蹤跡此之類也到這裏七顛八倒於一切時中得大自在門門有路空蕭索雖有路只是空蕭索雪竇到此自覺漏逗更與你打破然雖如是也有非蕭索處任是作者無病時也須是先討些藥喫始得

垂示云十方坐斷千眼頓開一句截流萬機寢削還有同死同生底麼見成公案打疊不下古人葛藤試請舉看

一舉定上座問臨濟如何是佛法大意多少人到此茫然猶有這箇在濟下禪床擒住與一掌便托開今日捉敗老婆心切天下衲僧跳不出定

佇立已落鬼窟裏蹉過了也未免失却鼻孔傍僧云

定上座何不禮拜冷地裏有人觀破全得他力東家

人死西家人助哀定方禮拜將勤補拙忽然大悟如

暗得燈如貧得寶將錯就錯且道定上座見箇什麼便禮拜

看他恁麼直出直入直往直來乃是臨濟正宗有恁麼作用若透得去便可翻天作地自得受用定上座是這般漢被臨濟一掌禮拜起來便知落處他是向北人最朴直既得之後更不出世後來全用臨濟機也不妨頽脫一日路逢巖頭雪峯欽山三人巖頭乃問甚處來定云臨濟頭云和尚萬福定云已順世了也頭云某等三

持杖

人特去禮拜福緣淺薄又值歸寂未審和尚在日有何
言句請上座舉一兩則看定遂舉臨濟一日示衆云赤
肉團上有一無位真人常從汝諸人面門出入未證據
者看看時有僧出問如何是無位真人濟便擒住云道
道僧擬議濟便托開云無位真人是什麼乾屎橛便歸
方丈巖頭不覺吐舌欽山云何不道非無位真人被定
擒住云無位真人與非無位真人相去多少速道速道
山無語直得面黃面青巖頭雪峰近前禮拜云這新戒
不識好惡觸忤上座望慈悲且放過定云若不是這兩
箇老漢殺這屎床鬼子又在鎮州齋回到橋上歌逢
三人座主一人問如何是禪河深處須窮底定擒住擬

拋向橋下時二座主連忙救云休休是伊觸忤上座且
望慈悲定云若不是二座主從他窮到底去看他恁麼
手段全是臨濟作用更看雪竇頌出云

斷際全機繼後蹤黃河從源頭濁了也子承父業持

來何必在從容在什麼處爭奈有如此人無脚手人

還得他也無巨靈擡手無多子嚇殺人少賣弄打一

拂子更不再勤分破華山千萬重乾坤大地一時露

出墮也

雪竇頌斷際全機繼後蹤持來何必在從容黃檗大機
大用唯臨濟獨繼其蹤拈得將來不容擬議或若躊躇
便落陰界楞嚴經云如我按指海印發光汝暫舉心塵

勞先起巨靈擡手無多子分破華山千萬重巨靈神有大神力以手擘開太華放水流入黃河定上座疑情如山堆岳積被臨濟一掌直得瓦解冰消

垂示云東西不辨南北不分從朝至暮從暮至朝還道伊瞌睡麼是也有時眼似流星還道伊惺惺麼有時呼南作北且道是有心是無心是道人是常人若向箇裏透得始知落處方知古人恁麼不恁麼且道是什麼時節試舉看

舉陳操尚書看資福福見來便畫一圓相是精識精

是賊識賊若不蘊藉爭識這漢還見金剛圈麼操云

弟子恁麼來早是不着便何況更畫一圓相今日撞

唐權德輿醜籍凡流自然可系

着箇瞌睡漢這老賊福便掩却方丈門賊不打貧兒

家已入它圈續了也雪竇云陳操只具一隻眼雪竇

頂門具眼且道他意在什麼處也也好與一圓相灼然

龍頭蛇尾當時好與一拶教伊進亦無門退亦無路

且道更與他什麼一拶

陳操尚書與裴休李翱同時凡見一僧來先請齋襯錢

三百須是勘辨一日雲門到相看便問儒書中即不問

三乘十二分教自有座主作麼生是衲僧家行脚事雲

門云尚書曾問幾人來操云即今問上座門云即今且

置作麼生是教意操云黃卷赤軸門云這箇是文字語

言作麼生是教意操云口欲談而辭喪心欲緣而慮亡

唐權德輿

本摩詩

財今畧

門云口欲談而辭喪為對有言心欲緣而慮云為對妄想作麼生是教意操無語門云見說尚書看法華經是否操云是門云經中道一切治生產業皆與實相不違背且道非非想天即今有幾人退位操又無語門云尚書且莫草草師僧家拋却三經五論來入叢林二十年尚自不奈何尚書又爭得會操禮拜云某甲罪過又一日與眾官登樓次望見數僧來一官人云來者總是禪僧操云不是官云焉知不是操云待近來與你勘過僧至樓前操驀召云上座僧舉頭書謂眾官云不信道唯有雲門一人他勘不得他參見睦州來一日去參資福福見來便書一圓相資福乃瀉山仰山下尊宿

尋常愛以境致接人見陳操尚書便畫一圓相爭奈操却是你家不受人滿解自點檢云弟子恁麼來早是不着便那堪更畫一圓相福掩却門這般公案謂之言中辨的句裏藏機雪竇道陳操只具一隻眼雪竇可謂頂門具眼且道意在什麼處也好與一圓相若總恁麼地納僧家如何為人我且問你當時若是諸人作陳操時堪下得箇什麼語免得雪竇道他只具一隻眼所以雪竇路翻頌云

團團珠遶玉珊珊三尺杖子攬黃河須是碧眼胡僧

始得生鐵鑄就馬載驢馳上鐵船用許多作什麼有

什麼限且與闍黎看分付海山無事客有人不要若

現碎子千手重五
毛壽五十年三科
重方年曰天華
虎十年則牙脫
而自生之古又云
虎頭生角楊子
曰虎哉之角而
習也言可畏也

是無事客也不消得須是無事始得釣鼈時下一圈
學恁麼來恁麼去一時出不得若是蝦蟇堪作什麼
蝦蟇螺蚌恁生奈何須是釣鼈始得雪竇復云天下
衲僧跳不出兼身在内一坑埋却閻黎還跳得出麼
團團珠遶玉珊珊馬載驢駝上鐵船雪竇當頭頌出只
頌箇圓相若會得去如虎戴角相似這箇些子須是桶
底脫機關盡得失是非一時放却更不要作道理會也
不得作玄妙會畢竟作麼生會這箇須是馬載驢駝上
鐵船這裏看始得別處則不可分付須是將去分付海
山無事底客你若肚裏有此子事即承當不得這裏須
是有事無事違情順境若佛若祖奈何他不得底人方

可承當若有禪可參有凡聖情量決定承當他底不得
承當得了作麼生會他道釣鼈時下一圈學釣鼈須是
圈學始得所以風穴云慣釣鯨鯢沈巨浸却嗟蛙步碾
泥沙李白詩又云巨鼈莫載三山去吾欲蓬萊頂上行雪竇復
云天下衲僧跳不出若是巨鼈終不作衲僧見解若是
衲僧終不作巨鼈見解

四舉仰山問僧近離甚處天下人一般也要問過因風

吹火不可不作常程僧云廬山實頭人難得山云曾

遊五老峰麼因行不妨掉臂何曾蹉過僧云不曾到

移一步面赤不如語直也似忘前失後山云闍黎不

曾遊山太多事生惜取眉毛好這老漢着甚死急雲

門云此語皆為慈悲之故有落草之談殺人刀活人
劍兩箇三箇要知山上路須是去來人

驗人端的處下口便知音古人道沒量大人向語脉裏
轉却若是頂門具眼舉着便知落處看他一問一答歷
歷分明雲門為什麼却道此語皆為慈悲之故有落草
之談古人到這裏如明鏡當臺明珠在掌胡來胡現漢
來漢現一箇蠅子也過他鑑不得且道作麼生是慈悲
之故有落草之談也不妨險峻到這田地也須是箇漢
始可提掇雲門拈云這僧親從廬山來因什麼却道闍
黎不曾遊山瀉山一日問仰山云諸方若有僧來汝將
什麼驗他仰山云某甲有驗處瀉山云子試舉看仰云

某甲尋常見僧來只舉拂子向伊道諸方還有這箇麼
待伊有語只向伊道這箇即且置那箇如何瀉山云此
是向上人牙爪豈不見馬祖問百丈什麼處來丈云山
下來祖云路上還逢着一人麼丈云不曾祖云為什麼
不曾逢着丈云若逢着即舉似和尚祖云那裏得這消
息來丈云某甲罪過祖云却是老僧罪過仰山問僧正
相類此當時待他道曾到五老峰麼這僧若是箇漢但
云禍事却道不曾到這僧既不作家仰山何不據令而
行免見後面許多葛藤却云闍黎不曾遊山所以雲門
道此語皆為慈悲之故有落草之談若是出草之談則
不恁麼

出草入草 頭上漫漫 脚下漫漫 半開半合 他也恁麼

我也恁麼 誰解尋討 頂門具一隻眼 闍黎不解尋討

白雲重重 千重百匝 頭上安頭 紅日杲杲 破也瞎舉

眼即錯 左顧無瑕 漢依前無事 你作許多伎倆作

什麼 右盼已老 一念萬年過 君不見寒山子 癩兒牽

伴行 太早也不早 十年歸不得 即今在什麼處 灼然

忘却來時道 渠儂得自由 放過一着便打 莫做這忘

前失後好

出草入草 誰解尋討 雪竇却知他落處 到這裏 一手擡
一手搦 白雲重重 紅日杲杲 大似草茸茸 煙霧霧 到這
裏 無一絲毫屬凡 無一絲毫屬聖 徧界不曾藏 一一蓋

覆不得 所謂無心境界 寒不聞寒 熱不聞熱 都盧是箇

大解脫門 左顧無瑕 右盼已老 懶瓚和尚 隱居衡山 石

室中 唐德宗聞其名 遣使召之 使者至其室 宣言天子

有詔 尊者當起 謝恩 瓚方撥牛糞火 尋煨芋而食 寒涕

垂頤 未嘗答 使者笑曰 且勸尊者 拭涕 瓚曰 我豈有工

夫為俗人 拭涕耶 竟不起 使回奏 德宗甚欽嘆之 似這

般清寥寥 白的不受人處分 直是把得定 如生鐵鑄

就相似 只如善道和尚 遭沙汰後 更不復作僧人 呼為

石室行者 每踏碓 忘移步 僧問 臨濟石室行者 忘移步

意旨如何 濟云 沒溺深坑 法眼圓成 實性頌云 理極忘

情 謂如何 有喻齊到頭 霜夜月任運 落前溪 菓熟兼猿

偏計所執性 依他起性 圓成實性

懶瓚 廣字流 六祖和 下自和 尚此和 不詳

碧巖口

重山長似路迷舉頭殘照在元是住居西雪竇道君不見寒山子行太早十年歸不得忘却來時道寒山子詩云欲得安身處寒山可長保微風吹幽松近聽聲愈好下有班白人嘮嘮讀黃老十年歸不得忘却來時道永嘉又道心是根法是塵兩種猶如鏡上痕痕垢盡時光始現心法雙忘性即真到這裏如癡似兀方見此公案若不到這田地只在語言中走有甚了日

垂示云定龍蛇分玉石別緇素決猶豫若不是頂門上有眼肘臂下有符徃徃當頭蹉過只如今見聞不昧聲色純真且道是皂是白是曲是直到這裏作麼生辨此說者百往不詳舉文殊問無着近離什麼處不可不借問也有這箇

消息無着云南方草窠裏出頭何必擡向眉毛上大

方無外為什麼却有南方殊云南方佛法如何住持

若問別人則禍生猶掛唇齒在着云末法比丘少奉

戒律實頭人難得殊云多少衆當時便與一喝一擡

擡倒了也着云或三百或五百盡是野狐精果然漏

逗無着問文殊此間如何住持擡着便回轉鑰頭來

也殊云凡聖同居龍蛇混雜敗缺不少直得脚忙手

亂着云多少衆還我話頭來也不得放過殊云前三

三後三三顛言倒語且道是多少千手大悲數不足

無着遊五臺至中路荒僻處文殊化一寺接他宿遂問

近離甚處着云南方殊云南方佛法如何住持着云末

華嚴疏五臺印
五方如來之法座
文殊傳

統紀通真卷四
同童子向寺
石寺也著愴然
金剛窟若般若寺
顯正覺遠傳

法比丘少奉戒律殊云多少衆着云或三百或五百無
着却問文殊此間如何住持殊云凡聖同居龍蛇混雜
着云多少衆殊云前三三後三三却喫茶文殊舉起玻
璃盞子云南方還有這箇麼着云無殊云尋常將什麼
喫茶着無語遂辭去文殊令均提童子送出門首無着
問童子云適來道前三三後三三是多少童子云大德
着應喏異童子云是多少又問此是何寺童子指金剛後面
着回首化寺童子悉隱不見只是空谷彼處後來謂之
金剛窟後有僧問風穴如何是清涼山中王主穴云一句
不遑無着問迄今猶作野盤僧若要參透平平實實脚
踏實地向無着言下薦得自然居鑊湯爐炭中亦不聞

金剛窟
後三三
則後
言十

熱居寒冰上亦不聞冷若要參透使孤危峭峻如金剛
王寶劍向文殊言下薦取是上件自然水洒不着風吹不入不
見漳州地藏問僧近離甚處僧云南方藏云彼中佛法
如何僧云商量浩浩地藏云爭似我這裏種田博飯喫
且道與文殊答處是同是別有底道無着答處不是文
殊答處也有龍有蛇有凡有聖有什麼交涉還辨明得
前三三後三三麼前箭猶輕後箭深且道是多少若向
道裏透得千句萬句只是一句若向此一句下截得斷
把得住相次間到這境界

○千峰盤屈色如藍還見文殊麼誰謂文殊是對談設
使普賢也不顧蹉過了也堪笑清涼多少衆且道笑

使普賢也
不顧蹉過了也

堪笑清涼多少衆
且道笑

什麼已在言前
前三三與後三三
試請脚下辨看
爛泥裏有刺
碗子落地
椽子成七片

千峰盤屈色如藍
誰謂文殊是對談
有者道雪竇只是
重拈一徧
不曾頌著
只如僧問法眼
如何是曹源一滴
水
眼云是曹源一滴水
又僧問瑯琊覺和尚
清淨本然
云何忽生山河大地
覺云清淨本然
云何忽生山河大地
不可也
喚作重拈一徧
明招獨眼龍亦頌其意
有蓋天蓋地之機
道廓周沙界
勝伽藍
滿日文殊是對談
言下不知開佛眼
回頭只見翠山巖
廓周沙界
勝伽藍
此指草窻化寺
所謂有權實雙行之機
滿日文殊是對談
言下不知開佛眼
回頭只見翠山巖
正當恁麼時
喚作

禪林類聚三勝作
聖對作法

文殊普賢觀音境界得麼
要且不是這箇道理
雪竇只改明招底用
却有針線
千峰盤屈色如藍
更不傷鋒犯手
句中有權有實
有理有事
誰謂文殊是對談
一夜對談
不知是文殊
後來無著在五臺山
作典座
文殊每於粥鍋上現
被無著拈攪粥
篋便打
雖然如是
也是賊過後
張弓當時等他
道南方佛法如何
住持劈脊便棒
猶較些子
堪笑清涼多少
衆雪竇笑中有刀
若會得這笑處
便見他道
前三三與後三三
舉長沙一日遊山歸至門首
今日一日只管落草前
頭也是落草
後頭也是落草
首座問和尚
什麼處去來
也要勘過
這老漢箭過新羅
沙云遊山來
不可落

湖南長沙
禪師招賢禪師
初任鹿苑為才也

草敗缺不少草裏漢首座云到什麼處來按若有所

至未免落草相牽入火坑沙云始隨芳草去又逐落

花回漏逗不少元來只在荆棘林裏坐座云大似春

意相隨來也將錯就錯一手擡一手擱沙云也勝秋

露滴芙蓉土上加泥前箭猶輕後箭深有什麼了期

雪竇着語云謝答話一火弄泥團漢三箇一狀領過

長沙鹿苑招賢大師法嗣南泉與趙州紫胡輩同時機

鋒敏捷有人問教便與說教要領便與領你若作家

相見便與你作家相見仰山尋常機鋒最為第一一日

同長沙翫月次仰山指月云人人盡有這箇只是用不

得沙云恰是便倩你用那仰山云你試用看沙一踏踏

倒仰山起云師叔一似箇大蟲後來人號為岑大蟲因

一日遊山歸首座亦是他會下人便問和尚什麼處去

來沙云遊山來座云到什麼處去來沙云始隨芳草去

又逐落花回須是坐斷十方底人始得古人出入未嘗

不以此事為念看他賓主互換當機直截各不相饒既

是遊山為什麼却問道到什麼處去來若是如今禪和

子便道到來山亭來看他古人無絲毫道理計較亦無

住着處所以道始隨芳草去又逐落花回首座便隨他

意向他道大似春意沙云也勝秋露滴芙蓉雪竇云謝

答話代末後語也也落兩邊畢竟不在這兩邊昔有張

拙秀才看千佛名經乃問百千諸佛但聞其名未審居

何國士還化物也無沙云黃鶴樓崔顥題詩後秀才曾
題也未拙云未曾題沙云得閑題取一篇也好岑大蟲
平生為人直得珠回玉轉要人當面便會頌云

大地絕纖埃豁開戶牖當軒者誰盡少這箇不得天

下太平何人眼不開頂門上放大光明始得撒土撒

沙作什麼始隨芳草去漏逗不少不是一回落草賴

值前頭已道了又逐落花回處處全真且喜歸來脚

下泥深三尺羸鶴翹寒木左之右之添一句更有許

多閑事在狂猿嘯古臺却因親着力添一句也不得

減一句也不得長沙無限意便打末後一句道什麼

一坑埋却墮在鬼窟裏吐草裏漢賊過後張弓更不

可放過

且道這公案與仰山問僧近離甚處僧云廬山仰云曾

到五老峰麼僧云不曾到仰云闍黎不曾遊山辨緇素

看是同是別到這裏須是機關盡意識忘山河大地草

芥人畜無些子滲漏若不如此古人謂之猶在勝妙境

界不見雲門道直得山河大地無纖毫過患猶為轉物

不見一切色始是半提更須知有全提時節向上一竅

始解穩坐若透得依舊山是山水是水各住自位各當

本體如大拍盲人相似趙州道鷄鳴丑愁見起來還漏

逗裙子褊衫箇也無袈裟形相此此有裊無襠袴無口

頭上青灰三五斗本為修行利濟人誰知翻成不啣溜

是勝妙境
出得此
是勝妙境
是勝妙境
是勝妙境

若得真實到這境界何人眼不開一任七顛八倒一切處都是這境界都是這特節十方無壁落四面亦無門所以道始隨芳草去又逐落花回雪竇不妨巧只去他左邊貼一句右邊貼一句一似一首詩相似羸鶴翹寒木狂猿嘯古臺雪竇引到這裏自覺漏逗驀云長沙無限意咄如作夢却醒相似雪竇雖下一喝未得勦絕若是山僧即不然長沙無限意掘地更深埋

○垂示云掣電之機徒勞佇思當空霹靂掩耳難諧腦門上播紅旗耳背後輪雙劍若不是眼辨手親爭能搆得有般底低頭佇思意根下卜度殊不知觸髅前見鬼無數且道不落意根不抱得失忽有箇恁麼舉覺作麼生

祇對試舉看

○舉盤山垂語云三界無法

箭既離弦無返回勢明明

照見夜行人中也識法者懼好和聲便打何處求心

○向北幽州盤山寶積和尚乃馬祖下尊宿後出普化一人師臨遷化謂眾云還有人邈得吾真麼眾皆寫真呈師師皆叱之普化出云某甲邈得師云何不呈似老僧普化便打筋斗而出師云這漢向後如風狂接人去在○一日示眾云三界無法何處求心四大本空佛依何住璿璣不動寂止無痕覲面相呈更無餘事雪竇拈兩句來頌直是渾金璞玉不見道瘡病不假驢藥山僧為

什麼道和聲便打只為佗擔枷過狀今古人道聞稱聲外
句莫向意中求且道他意作麼生直得奔流度刃電轉
星飛若擬議尋思千佛出世也摸索他不著若是深入
閻奧徹骨徹髓見得透底盤山一場敗缺若承言會宗
左轉右轉底盤山只得一槩若是拖泥帶水聲色堆裏
轉未夢見盤山在五祖先師道透過那邊方有自由分
不見三祖道執之失度必入邪路放之自然體無去住
若向這裏道無佛無法又打入鬼窟裏去古人謂之解
脫深坑本是善因而招惡果所以道無為無事人猶遭
金鎖難也須是窮到底始得若向無言處言得行不得
處行得謂之轉身處三界無法何處求心你若作情解

全領難本
智度論出

只在他言下死却雪竇見處七穿八穴所以頌出

○三界無法言猶在耳何處求心不勞重舉自點檢看

打云是什麼白雲為蓋頭上安頭千重萬重流泉作

琴聞麼相隨來也一聽一堪悲一曲兩曲無人會不

落官商非干角徵借路經過五音六律盡分明自頌

出去聽則聾雨過夜塘秋水深迅雷不及掩耳直得

拖泥帶水在什麼處便打

○三界無法何處求心雪竇頌得一似華嚴境界有者道

雪竇無中唱出若是眼皮綻底終不恁麼會雪竇去他

傍邊貼兩句道白雲為蓋流泉作琴蘇內翰見照覺有

頌云溪聲便是廣長舌山色豈非清淨身夜來八萬四

而過...
三言詩全賦之境界也

千偈他日如何舉似人雪竇借流泉作一片長舌頭所以道一曲兩曲無人會不見九峯乾和尚道還識得命麼流泉是命湛寂是身千波競起是文殊家風一亘晴空是普賢境界流泉作琴一曲兩曲無人會這般曲調也須是知音始得若非其人徒勞側耳古人道聾人也唱胡家曲好惡高低總不聞雲門道舉不顧即差互擬思量何劫悟舉是體顧是用未舉已前朕兆未分已前見得坐斷要津若朕兆纔分見得便有照用若朕兆分後見得落在意根雪竇忒煞慈悲更向你道却似雨過夜塘秋水深此一頌曾有人論量羨雪竇有翰林之才雨過夜塘秋水深也須是急着眼看更若遲疑即討不

見

垂示云若論漸也返常合道鬧市裏七縱八橫若論頓也不留朕迹千聖亦摸索不着儻或不立頓漸又作麼生快人一言快馬一鞭正恁麼時誰是作者試舉看

八舉風穴在郢州衙內上堂云倚公說禪道什麼祖師

心印狀似鐵牛之機千人萬人撼不動諸訛節角在什麼處三要印開不犯鋒鏃去即印住正令當行錯

住即印破再犯不容看取令行時撥便打只如不去

不住看無頓置處多少諸訛印即是不印即是天下

人頭出頭沒有分文教已彰但請掀倒禪床喝散大

衆時有盧陂長老出問某甲有鐵牛之機釣得一箇

布袋善化等及崇志

暗曉得，不妨奇特。請師不搭印，好箇話頭。爭奈諸訛。

允云：慣釣鯨鯢，澄巨浸，却嗟蛙步。輾泥沙，似鶴捉鳩。

寶網漫空，神駒千里。陂佇思，可惜許，也有出身處。可

惜放過。允喝云：長老何不進語。擲旗奪鼓，炒鬧來也。

陂擬議，三回死了兩重公案。允打一拂子，好打這箇

令須是恁麼人行始得。允云：還記得話頭麼？試舉看。

何必雪上加霜。陂擬議開口，一死更不再活。這漢鈍

置殺人，遭他毒手。允又打一拂子。牧主云：佛法與王

法一般，灼然却被傍人覷破。允云：見箇什麼道理也。

好與一撥，却回鑪頭來也。牧主云：當斷不斷，返招其

訛。似則似是，則未是。須知傍人有眼，東家人死，西家

人助哀。允便下座。將錯就錯，見機而變，且得參學事畢。

風允乃臨濟下尊宿。臨濟當初在黃檗會下栽松次，檗

云：深山裏栽許多松，作什麼濟云：一與山門作境界。二

與後人作標榜。道了，便鑿地一下。檗云：雖然如是，子已

喫二十棒了也。濟又打地一下云：噓噓。檗云：吾宗到汝

大興於世。鴻山詰云：臨濟恁麼大似平地。喫交。雖然如

是，臨危不變。始稱真丈夫。檗云：吾宗到汝，大興於世。大

似憐兒不覺醜。後來鴻山問仰山：黃檗當時只囑付臨

濟一人，別更有在。仰山云：有，只是年代深遠，不欲舉似

和尚。鴻山云：雖然如是，吾亦要知。但舉看。仰山云：一人

指南具越令行遇天風即止此乃識風尤也尤初參雪
峯五年因請益臨濟入堂兩堂首座齊下一喝僧問臨
濟還有賓主也無濟云賓主歷然尤云未審意旨如何
峰云吾昔與巖頭欽山去見臨濟在途中聞已遷化若
要會他賓主話須是參他宗派下尊宿尤後又見瑞巖
常自喚主人公自云喏復云惺惺着他後莫受人瞞却
尤云自拈自弄有什麼難後在襄州鹿門與廓侍者過
夏廓指他來參南院尤云入門須辨主端的請師分一
日遂見南院舉前話云某甲特來親覲南院云雪峰古
佛一日見鏡清清問近離甚處尤云自離東來清云還
過小江否尤云大舸獨飄空小江無可濟清云鏡水圖

山鳥飛不渡子莫盜聽遺言尤云滄溟尚怯蒙輪勢列
漢飛帆渡五湖清豎起拂子云爭柰這箇何尤云這箇
是什麼清云果然不識尤云出沒卷舒與師同用清云
杓卜聽虛聲熟睡饒謔語尤云澤廣藏山理能伏豹清
云赦罪放憊速須出去尤云出即失乃便出至法堂上
自謂言大丈夫公案未了豈可便休却回再入方丈清
坐次便問某適來輒呈駭見冒瀆尊顏伏蒙和尚慈悲
未賜罪責清云適來從東來豈不是翠巖來尤云雪竇
親棲寶蓋東清云不逐二羊狂解息却來這裏念詩篇
尤云路逢劒客須呈劒不是詩人莫獻詩清云詩速祕
却略借劒看尤云昂首誰人携劒去清云不獨觸風化

自撰後四句
雪竇山在
天台東

亦自顯顛預。允云若不觸風化焉。明古佛心。清云何名古佛心。允又云再許。允容師今何有。清云東來衲子菽麥不分。允云只聞不以而以。何得抑以而以。清云巨浪湧千尋。澄波不離水。允云一句截流。萬機寢削。便禮拜。清以拂子點三點云。俊哉。且坐喫茶。風允初到南院。便問。入門須辨主。端的請師分。院左手拍膝一下。允便喝。院右手拍膝一下。允亦喝。院舉左手云。這箇即從闍黎。又舉右手云。這箇又作麼生。允云瞎院。遂拈拄杖。允云作什麼。某甲奪却拄杖。打着和尚。莫言不道。院便擲下拄杖云。今日被這黃面泚子。鈍置一上。允云和尚大信持鉢不得。詐道不飢。院云闍黎莫曾到此間麼。允云是

以字廣
好已字

以字不
拜院

何言歟。院云好好借問。允云也不得放過。院云且坐喫茶。你看俊流。自是機鋒峭峻。南院亦未辨得他。至次日。南院只作平常問云。今夏在什麼處。允云鹿門與廓侍者同過夏。院云元來親見作家來。又云佗向你道什麼。允云始終只教某甲一向作主。院便打推出方丈云。這般納敗缺底漢。有什麼用處。允自此服膺。在南院會下。作園頭。一日院到園裏問云。南方一棒作麼生。商量允云。作奇特商量。允云和尚此間作麼生。商量院拈棒起云。棒下無生。忍臨機不讓師。允於是豁然大悟。是時五代離亂。郢州牧主請師度夏。是時臨濟一宗大盛。他凡是問答垂示。不妨語句尖新。攢花簇錦。字字皆有下落。

一日牧主請師上堂示眾云祖師心印狀似鐵牛之機
去即印住住即印破只如不去不住印即是不印即是
何故不似石人木馬之機直下似鐵牛之機無你撼動
處才去你才去即印住你才住即印破教你百雜碎只如不
去不住印即是不印即是看他恁麼垂示可謂鈎頭有
餌是時座下有盧陂長老亦是臨濟下尊宿敢出頭來
與他對機便轉他話頭致箇問端不妨奇特道某甲有
鐵牛之機請師不搭印爭柰風穴是作家便答他道慣
釣鯨鯢澄巨浸却嗟蛙步輾泥沙也是言中有響雲門
云垂鈎四海只釣獰龍格外玄機為尋知己巨浸乃十
二頭水牯牛為鈎餌却只釣得一蛙出來此語且無玄

會稽
王
文

妙亦無道理計較古人道若向事上覷則易若向意根
下卜度則沒交涉盧陂佇思見之不取千載難逢可惜
許所以道直饒講得千經論一句臨機下口難其實盧
陂要討好語對他不欲行令被風穴一向用撓旗奪鼓
底機鋒一向逼將去只得沒柰何俗諺云陣敗不禁苦
帚掃當初更要討鎗法敵他等你討得來即頭落也牧
主亦久參風穴解道佛法與王法一般穴云你見箇什
麼牧主云當斷不斷返招其亂風穴渾是一團精神如
水上葫蘆子相似捺着便轉按着便動解隨機說法若
不隨機翻成妄語穴便下座只如臨濟有四賓主話夫
參學之人大須子細如賓主相見有語論賓主往來或

應物見形全體作用或把機權喜怒或現半身或乘獅子或乘象王有如真正學人便喝先拈出一箇膠盆子善知識不辨是境使上他境上作樣便學人又喝前人不肯放下此是膏盲之病不堪醫治喚作賓看主或是善知識不拈出物隨學人問處便奪學人被奪抵死不放此是主看賓或有學人應一箇清淨境出善知識辨得是境把他拋向坑裏學人言大好善知識知識即云咄哉不識好惡學人禮拜此喚作主看主或有學人披枷帶鎖出善知識前知識更與他安一重枷鎖學人歡喜彼此不辨呼為賓看賓大德山僧所舉皆是辨魔揀異知其邪正不見僧問慈明一喝分賓主照用一時行

時如何慈明便喝又雲居弘覺禪師示眾云譬如獅子捉象亦全其力捉兔亦全其力時有僧問未審全什麼力雲居云不欺之力看佗雪竇頌出

擒得盧陂跨鐵牛千人萬人中也要呈巧藝敗軍之

將不再斬抄下相逢本數力三玄戈甲未輕酬當局者迷受災如受福

受降如受敵楚王城畔朝宗水說什麼朝宗水浩浩

充塞天地任是四海也須倒流喝下曾令却倒流不

是這一喝截却你舌頭咄驚走陝府鐵牛嚇殺嘉州

大象

○雪竇知風穴有這般宗風便頌道擒得盧陂跨鐵牛三玄戈甲未輕酬臨濟下有三玄三要凡一句中須具三

玄一玄中須具三要僧問風穴如何是第一句宛濟云三要印開朱點窄未容擬議主賓分如何是第二句宛濟云妙辨解豈容無着問漚和漚不負截流機如何是第三句宛濟云但看棚頭弄傀儡抽牽全藉裏頭人風穴一句中便具三玄戈甲七事隨身不輕酬他若不如此爭柰盧陂何後面雪竇要出臨濟下機鋒莫道是盧陂假饒楚王城畔洪波浩渺白浪滔天盡去朝宗只消一喝也須教倒流

垂示云途中受用底似虎靠山世諦流布底如猿在檻欲知佛性義當觀時節因緣欲煨百鍊精金須是作家爐鞴且道大用現前底將什麼試驗

婦舉僧問雲門如何是清淨法身蓋坡堆頭見文六金

身斑斑駁駁是什麼問云花藥欄問處不真答來鹵

莽莖着磕着曲不藏直僧云便恁麼去時如何渾崙

吞箇棗放憨作麼門云金毛獅子也褒也貶兩采一

賽將錯就錯是什麼心行

諸人還知這僧問處麼雲門答處麼若知得兩口同無一舌若不知未免顛預僧問玄沙如何是清淨法身沙云膿滴滴地具金剛眼試請辨看雲門不同別人有時把定壁立萬仞無你湊泊處有時與你開一線道同死同生雲門三寸甚密有者道是信彩答去若恁麼會且道雲門落在什麼處這箇是屋裏事莫向外卜度所以

百丈道森羅萬象一切語言皆銷歸自己令轉轉地
向活潑潑處便道若擬議尋思便落第二句了也永嘉
道法身覺了無一物本源自性天真佛雲門驗這僧其
僧亦是他屋裏人自是久參知他屋裏事進云便恁麼
去時如何門云金毛獅子且道是肯他是不肯他是褒
他是貶他巖頭道若論戰也箇箇立在轉處又道他參
活句不參死句活句下薦得求劫不忘死句下薦得自
救不了又僧問雲門佛法如水中月是否門云清波無
透路進云和尚從何而得門云再問復何來僧云正恁
麼去時如何門云重疊關山路須知此事不在言句上
如擊石火似閃電光構得構不得未免喪身失命雪竇

是其中人便當頭頌出

花藥欄言猶在耳莫顛預如麻似粟也有些子自領

出去星在秤兮不在盤太葛藤各自向衣單下返觀

不免說道理便恁麼渾崙吞箇棗太無端自領出去

灼然莫錯惟他雲門好金毛獅子大家看放出一箇

半箇也是箇狗子雲門也是普州人送賊

雪竇相席打令動絃別曲一句一句判將去此一頌不
異拈古之格花藥欄便道莫顛預人皆道雲門信彩答
將去總作情解會佗底所以雪竇下本分草料便道莫
顛預蓋雲門意不在花藥欄處所以雪竇道星在秤兮
不在盤這一句忒煞漏逗水中元無月月在青天如星

在秤不在於槃且道那箇是秤若辨明得出不辜負雪
竇古人到這裏也不妨慈悲分明向你道不在這裏在
那邊去且道那邊是什麼處此頌頭邊一句了後面頌
這僧道便恁麼去時如何雪竇道這僧也太無端且道
是明頭合暗頭合會來恁麼道不會來恁麼道金毛獅
子大家看還見金毛獅子麼瞎

垂示云休去歇去鐵樹開花有麼有麼點兒落節直饒
七縱八橫不免穿他鼻孔且道諸訛在什麼處試舉看
十四舉陸巨大夫與南泉語話次陸云肇法師道天地與
我同根萬物與我一體也甚奇恠鬼窟裏作活計畫
餅不可充飢也是草裏商量南泉指庭前花道什麼

咄經有經師論有論師不于山僧事咄入文夫當時
下得一轉語不唯截斷南泉亦乃與天下初僧出氣

召大夫云時人見此一株花如夢相似鴛鴦綉了從
君看莫把金針度與人莫寐語引得黃鶯下柳條

陸巨大夫又參南泉尋常留心於理性中游泳肇論一
日坐次遂拈此兩句以為奇特問云肇法師道天地與
我同根萬物與我一體也甚奇恠肇法師乃晉時高僧
與生融睿同在羅什門下謂之四哲幼年好讀莊老後
因寫古維摩經有悟處方知莊老猶未盡善故綜諸經
乃造四論莊老意謂天地形之大也我形亦爾也同生
於虛無之中莊生大意只論齊物肇公大意論性皆歸

自已不見他論中道夫至人空洞無象而萬物無非我造會萬物爲自已者其唯聖人乎雖有神有人有賢有聖各別而皆同一性一體古人道盡乾坤大地只是一箇自已寒則普天普地寒熱則普天普地熱有則普天普地有無則普天普地無是則普天普地是非則普天普地非法眼云渠渠我我我南北東西皆可不可不可但唯我無不可所以道天上天下唯我獨尊石頭因看肇論至此會萬物爲自已處豁然大悟後作一本參同契亦不出此意看他恁麼問且道同什麼根同那箇體到這裏也不妨奇特豈同他常人不知天之高地之厚豈有恁麼事陸直大夫恁麼問奇則甚可只是不出

教意若道教意是極則世尊何故更拈花祖師更西來作麼南泉答處用衲僧巴鼻與佗拈出痛處破他窠窟遂指庭前花召大夫云時人見此一株花如夢相似如引入向萬丈懸崖上打一推令他命斷你若平地上推倒彌勒佛下生也只不解命斷亦如人在夢欲覺不覺被人喚醒相似南泉若是眼目不正必定被他搽糊將去看他恁麼說話也不妨難會若是眼目定動活底聞得如醍醐上味若是死底聞得翻成毒藥古人道若於事上見墮在常情若向意根下卜度卒摸索不着巖頭道此是向上人活計只露目前些子如同電拂南泉大意如此有擒虎兕定龍蛇底手脚到這裏也須是自會

始得不見道向上一路千聖不傳學者勞形如猿捉影
看他雪竇頌出

○聞見覺知非一一森羅萬象無有一法七花八裂眼

耳鼻舌身意一時是箇無孔鐵鎚山河不在鏡中觀

我這裏無這箇消息長者自長短者自短青是青黃

是黃你向什麼處觀霜天月落夜將半非你入草了

也徧界不曾藏切忌向鬼窟裏坐誰共澄潭照影寒

有麼有麼若不同床睡焉知被底穿愁人莫向愁人

說說向愁人愁殺人

慈雲寺什物

○南泉小睡語雪竇大睡語雖然作夢却作得箇好夢前
頭說一體這裏說不同聞見覺知非一一山河不在鏡

中觀若道在鏡中觀然後方曉了則不離鏡裏山河大
地草木叢林莫將鏡鑑若將鏡鑑便為兩段但只可山
是山水是水法法住法位世間相常住山河不礙眼光
且道向什麼處觀還會麼到這裏向霜天月落夜將半
這邊與你打併了也那邊你自相度還知雪竇以本分
事為人麼誰共澄潭照影寒為復自照為復與人照須
是絕機絕解方到這境界即今也不要澄潭也不待霜
天月落即今作麼生

佛果園悟禪師碧巖錄卷第四終

峒中張氏
書隱刻梓



丹波法貴山

慈雲禪寺什物

丹波法貴山慈雲寺全可

